




საშურის მოახბა



№26 (308)

16 აგვისტო, ორშაბათი, 2021 წელი

2008 წლის აგვისტოს ომში დაღუპულთა მემორიალური გვირგვინებით შეამკეს

2008 წლის რუსეთ-საქართველოს ომის 13 წლისთავთან დაკავშირებით



ბით, საშურის მუნიციპალიტეტის მერიის, საკრებულოს, მაჟორიტარი დეპუტატის ბიუროს ხელმძღვანელმა პირებმა და წარმომადგენლებმა, საქართველოს ტერიტორიული მთლიანობისთვის დაღუპული მებრძოლების მემორიალური დაფები და საფლავები გვირგვინებით

შეამკეს.

2008 წლის აგვისტოს რუსეთ-საქართველოს ომში საშურის მუნიციპალიტეტიდან სამი ახალგაზრდის სიცოცხლე შეიწირა: ვახტანგ გორგასლის მესამე ხარისხის ორდენის კავალერი-კაპრალი დავით ბლიაძე ქვიშეთშია დაკრძალული, კაპრალი ზაურ მახარაშვილი, რომელსაც გარდაცვალების შემდეგ მედალი "მხედრული მამაცობისთვის" გადაეცა, მისი მშობლიური სოფლის - ოსიაურის სასაფლაოზეა დაკრძალული, ვახტანგ გორგასლის პირველი ხარისხის ორდენის კავალერი კაპრალი გიორგი წიქარიშვილი კი თბილისის ძმთა სასაფლაოზე განისვენებს.



ხელისუფლების წარმომადგენლებმა კიდევ ერთხელ გაუსვეს საზოგადოებას 2008 წლის აგვისტოს ომის გმირების თავდადებას და მამაცობას, რაც მომავალი თაობებისთვის სამაგალითოა.

2008 წლის რუსეთ-საქართველოს ომში დაღუპულთა ხსოვნის პატივსაცემად, საშურის მუნიციპალიტეტში სახელმწიფო და მუნიციპალური დროშები დაშვებული იყო.

საშურის მუნიციპალიტეტის სოფლებში მოსახლეობის ვაქცინაცია დაიწყო



დღეს სოფელ ცხრაშუხაში დაავადებათა კონტროლისა და საზოგადოებრივი ჯანმრთელობის ეროვნული ცენტრის მედიკოსების მობილური ბრიგადა ჩავიდა. მოქალაქეთა იმუნიზაციის პროცესი ცხრაშუხის ამბულატორიის მედიკოსების ექიმ მანანა სვანიძისა და ექთან მაკა გოგინაშვილის, ასევე ცხრაშუხის ადმინისტრაციულ ერთეულში მერიის წარმომადგენლის ოთარ ბირკაძის აქტიური ჩართულობით განხორციელდა.

სოფელში საყოველთაო ვაქცინაციის პროცესში ჩართულობის სურვილი არაერთმა ადგილობრივმა გამოთქვა.

ვაქცინაციის პროცესს დაესწრნენ შიდა ქართლში სახელმწიფო რწმუნებულის მოადგილე სიმონ გულედანი, საშურის მუნიციპალიტეტის მერიის მოვალეობის შემსრულებელი ზვიად ქურდაძე და საზოგადოებრივი ჯანდაცვის საშურის ცენტრის ხელმძღვანელი დავით ჩიქოვანი. მათი განცხადებით, ვაქცინაცია პანდემიასთან ბრძოლის ერთადერთი გზაა, ამიტომ მოქალაქეებს აცრისკენ მოუწოდეს.



დაავადებათა კონტროლის ეროვნული ცენტრის მობილური ჯგუფები ცხრაშუხის გარდა აცრებს სხვა სოფლებშიც ჩაატარებენ.

- კოვიდ - 19 -

ახალი რეგულაციები ძალაში შევიდა

ეპიდემიოლოგიური მდგომარეობის გაუარესების ტენდენციის გათვალისწინებით, უწყებათაშორისმა საკოორდინაციო საბჭომ, რომლის სხდომა პრემიერ-მინისტრ ირაკლი ღარიბაშვილის ხელმძღვანელობით, დღეს მთავრობის ადმინისტრაციაში გაიმართა, ცალკეული შემზღვევით დაწესებულების გადაწყვეტილება მიიღო.

როგორც ცნობილია, პირბადეების ტარება სავალდებულოა დახურულ სივრცეებში, საზოგადოებრივ ტრანსპორტში და ღია სივრცეში, ხალხმრავალი შეკრებების ადგილებზე, განერებებზე, ბაზრობებზე და ა.შ. საბჭოს გადაწყვეტილებით, პირბადის ტარება სავალდებულო ხდება ღია სივრცეში ყველგან, სადაც 5 და მეტი ადამიანი იკრიბება.

ამასთან, კვლავ აკრძალულია ღამის კლუბების ფუნქციონირება როგორც ღია, ისე დახურულ სივრცეებში და აღნიშნული რეგულაციების აღსრულება მკაცრად გაკონტროლდება; შეზღუდული რჩება კვების ობიექტების მუშაობა 00:00-05:00 საათამდე პერიოდში, რის აღსრულებასაც შესაბამისი უწყებები ასევე მკაცრად გააკონტროლებენ.

გარდა ამისა, როგორც ცნობილია, მთავრობის დადგენილებით აკრძალულია ისეთი სოციალური ღონისძიებების გამართვა, როგორიცაა ქორწილი, ქვლეხი, თუ სხვადასხვა სახის იუბილე. მსგავსი ღონისძიებების მასშინძლობისთვის კვების ობიექტებს თუ სხვადასხვა სარიტუალო დარბაზებს პირველ ჯერზე

დაეკისრებათ ფინანსური სანქცია - 10 ათასი ლარის ოდენობით, ხოლო მსგავსი ქმედების განმეორებით განხორციელების შემთხვევაში, აღნიშნული ობიექტები დაილუქება;

4 სექტემბრამდე, ქვეყნის მასშტაბით მუნიციპალური ტრანსპორტის მუშაობა შეიზღუდება, შეზღუდვა არ ეხება საქალაქთაშორისო ტრანსპორტს. სრულად იზღუდება ფესტივალები, გასართობი ღონისძიებები, კონცერტები და სპორტული შეჯიბრები.

ამასთან, საბჭომ იმსჯელა და მიიღო გადაწყვეტილება, რომ ქვეყანაში შემოსვლისას, პირებზე, რომლებსაც გადატანილი აქვთ COVID-19 და არიან ერთჯერად ვაქცინირებული, საზღვრის კვეთისას გავრცელება იგივე რეგულაცია, რაც 2 დღით აცრილ პირებზე.



ხაშურის მუნიციპალიტეტის საკრებულო

განკარგულება #36

2021 წლის 03 აგვისტო, ხაშური

ხაშურის მუნიციპალიტეტის საკრებულოს 2018 წლის 6 თებერვლის „ხაშურის მუნიციპალიტეტის საკრებულოში არსებული ქონების საპრივატიზაციო ობიექტების ნუსხის დამტკიცების თაობაზე“ №12 განკარგულებაში ცვლილების შეტანის შესახებ

ხაშურის მუნიციპალიტეტის მერია გეგმავს ხაშურის მუნიციპალიტეტის საკრებულოში არსებული უძრავი და მოძრავი ქონების პრივატიზაციას, რისთვისაც საჭიროა „ხაშურის მუნიციპალიტეტის საკრებულოში არსებული ქონების საპრივატიზაციო ობიექტის ნუსხა“-ში ცვლილების შეტანა. „ხაშურის მუნიციპალიტეტის საკრებულოში არსებული საპრივატიზაციო ობიექტის ნუსხა“-ს ემატება:

1. ხაშურში, იმერეთის ქუჩაზე მდებარე უძრავი ქონება (ყოფილი სამხედრო ტერიტორია), საკადასტრო კოდი 69.08.60.729 დანიშნულება არასასოფლო-სამეურნეო, ფართობი 1600.00 მ2.
 2. ხაშურში, სოფელ ოსიაურში მდებარე უძრავი ქონება საკადასტრო კოდი 69.03.55.294 დანიშნულება არასასოფლო-სამეურნეო, ფართობი 169.00 მ2.
 3. ხაშურში, სოფელ გომში მდებარე უძრავი ქონება, საკადასტრო კოდი 69.02.65.343 დანიშნულება არასასოფლო-სამეურნეო, ფართობი 111.00 მ2.
 4. ხაშურში, სოფელ ნაცარგორაში მდებარე უძრავი ქონება, საკადასტრო კოდი 69.05.57.266 დანიშნულება არასასოფლო-სამეურნეო, ფართობი 175.00 მ2.
- საქართველოს ორგანიზაციის კანონის „ადგილობრივი თვითმმართველობის კოდექსი“-ს 61-ე მუხლის 1-ლი და მე-2 პუნქტების და საქართველოს კანონის „საქართველოს ზოგადი ადმინისტრაციული კოდექსის“ 63-ე მუხლის შესაბამისად, ხაშურის მუნიციპალიტეტის საკრებულო ადგენს:
1. შევიდეს ცვლილება „ხაშურის მუნიციპალიტეტის საკრებულოში არსებული ქონების საპრივატიზაციო ობიექტების ნუსხის დამტკიცების თაობაზე“ 2018 წლის 6 თებერვლის №12-ე განკარგულებით დამტკიცებულ დანართში და დანართი №1 ჩამოყალიბდეს ახალი რედაქციით (დანართი №1 თან ერთვის 1 ფურცლად);
 2. განკარგულება შესასრულებლად გაეგზავნოს ხაშურის მუნიციპალიტეტის მერიას.
 3. განკარგულება ძალაში შედის ხელმოწერისთანავე;
 4. განკარგულება გამოქვეყნდეს ხაშურის მუნიციპალიტეტის საკრებულოს ვებ-გვერდზე www.khashuri.org.ge ;
 5. განკარგულება შეიძლება გასაჩივრდეს დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით ხაშურის რაიონულ სასამართლოში (მისამართი ხაშური, მ.კოსტავას ქ. №15);
- საკრებულოს თავმჯდომარე მიხეილ ჯანაშვილი

დანართი №1

ხაშურის მუნიციპალიტეტის საკრებულოში არსებული ქონების საპრივატიზაციო ობიექტების ნუსხა

5. ხაშური, ბეჟაურის ქუჩა, (საკადასტრო კოდი 69.08.65.016) დანიშნულება არასასოფლო-სამეურნეო, ფართობი 2038.00 მ2.
6. ხაშური, ბეჟაურის ქუჩა, (საკადასტრო კოდი 69.08.65.021) დანიშნულება არასასოფლო-სამეურნეო, ფართობი 1740.00 მ2.
7. ხაშური, (ყოფილი აზნაფტის ტერიტორია)(საკადასტრო კოდი 69.03.51.002) დანიშნულება არასასოფლო-სამეურნეო, ფართობი 220575.00 მ2
8. ხაშური, თევდორე მდგელის ქუჩა, (საკადასტრო კოდი 69.08.57.023) დანიშნულება არასასოფლო-სამეურნეო ფართობი 7872.00 მ2.
9. ხაშური, ბეჟაურის ქუჩა, (საკადასტრო კოდი 69.08.65.014) დანიშნულება არასასოფლო-სამეურნეო, ფართობი 13781.00 მ2.
10. ხაშური, შუშის ქარხნის დასახლება (საკადასტრო კოდი 69.08.51.315), დანიშნულება არასასოფლო-სამეურნეო, ფართობი 3719 კვ.მ.
11. ხაშური, სოფელი ცხრამუხა, უძრავი ქონება, საკადასტრო კოდი 69.11.56.291 დანიშნულება არასასოფლო-სამეურნეო, ფართობი 140 კვ.მ.
12. ხაშური, სოფელი გომი, (საკადასტრო კოდი 69.02.68.014) დანიშნულება არასასოფლო-სამეურნეო, ფართობი 5281 კვ.მ.
13. ხაშური, ჭანჭურის ქუჩა (საკადასტრო კოდი 69.08.63.026), დანიშნულება არასასოფლო-სამეურნეო, ფართობი 28 კვ.მ.
14. დაბა სურამში, ჩუმათელეთის დასახლებაში ყოფილი სანატორიუმ „ნაკადლის“ (საკადასტრო კოდი 69.04.56.069) №3 და №6 შენობა-ნაგებობების დემონტაჟის შედეგად სავარაუდოდ მისაღები მეორედი გამოყენებისათვის ვარგისი სამშენებლო მასალები;
15. შუშის ქარხნის დასახლებაში საბავშვო ბაღის (საკადასტრო კოდი 69.08.51.315) ავარიული №01/2 და №02/2 შენობა-ნაგებობების დემონტაჟის შედეგად სავარაუდოდ მისაღები მეორედი გამოყენებისათვის ვარგისი სამშენებლო მასალები.
16. ხაშური, ქუჩა იმერეთი (ყოფილი სამხედრო ტერიტორია), (საკადასტრო კოდი 69.08.60.729) დანიშნულება არასასოფლო-სამეურნეო, ფართობი 1600.00 მ2.
17. ხაშური, სოფელი ოსიაური, უძრავი ქონება, საკადასტრო კოდი 69.03.55.294 დანიშნულება არასასოფლო-სამეურნეო, ფართობი 169.00 მ2.
18. ხაშური, სოფელი გომი, უძრავი ქონება, საკადასტრო კოდი 69.02.65.343 დანიშნულება არასასოფლო-სამეურნეო, ფართობი 111.00 მ2.
19. ხაშური, სოფელი ნაცარგორა, უძრავი ქონება, საკადასტრო კოდი 69.05.57.266 დანიშნულება არასასოფლო-სამეურნეო, ფართობი 175.00 მ2.

ხაშურის მუნიციპალიტეტის მერიის განათლების, კულტურისა და სპორტის სამსახურის მიერ 2021 წლის პირველ ნახევარში გაწეული მუშაობის ანგარიში

კულტურის და ახალგაზრდული ღონისძიებების პროგრამის ფარგლებში გაიმართა შემდეგი ღონისძიებები:

ახალი წლის ღონისძიებების ფარგლებში, საახალწლო ტკბილეული და საჩუქრები გადაეცათ, მცირე საოჯახო ტიპის სახლის ბენეფიციარებს, შშმ პირთა ბავშვთა მოვლის ცენტრებს და საზღვრის პირას მცხოვრებ დაწვებითი კლასის და ალტერნატიული საბავშვო ბაღის აღსაზრდელებს.

ქრისტეშობის დღესასწაულთან დაკავშირებით, ტრადიციულად მოეწყო ალილოს ღონისძიება-მსვლელობა.

14 იანვარს აღინიშნა საქართველოს სახელმწიფო დროშის დღე, ღონისძიების ფარგლებში გამოიფინა დროშები დიმიტრი ყიფიანის მოედანზე და მუნიციპალიტეტის შენობაზე.

25 თებერვალს, აღინიშნა უკრაინელი პოეტის ლესია უკრაინკის დაბადების დღის საიუბილეო თარიღი. აღნიშნულ ღონისძიებასთან დაკავშირებით, მუნიციპალიტეტს სტუმრობდნენ უკრაინის ელჩი, საელჩოსა და დიასპორის წარმომადგენლები, ასევე კულტურული მემკვიდრეობის სააგენტოს ხელმძღვანელი და სხვა ოფიციალური პირები. ღონისძიება გაიმართა სურამის ლესია უკრაინკის სახელობის №3 საჯარო სკოლაში.

3 მარტს, დედის დღესთან დაკავშირებით, ხაშურის მუნიციპალიტეტში, კონფლიქტისპირა სოფლებში მცხოვრებ, ყველაზე ასაკიან და მარტოხელა დედებს, ასევე მუნიციპალიტეტში მცხოვრებ უხუცეს დედებს გადაეცათ თაიგულები და ფასიანი საჩუქრები.

8 მარტს, ქალთა საერთაშორისო დღის მილოცვასთან დაკავშირებით, ხაშურის მუნიციპალიტეტის ა(ა)იპ ”ხაშურსერვისში“ მომუშავე ქალბატონებს გადაეცათ ყვავილების თაიგული და ფასიანი საჩუქრები.

ეროვნული ერთიანობის, სამოქალაქო თანხმობისა და სამშობლოსათვის დადუპულთა ხსოვნის დღის აღსანიშნავად, 9 აპრილს, მერიის თანამშრომლებმა გვირგვინით შეამკეს ამ დღეს დადუპულთა ხსოვნის უკვდავსაყოფი მემორიალი.

21 მარტს, დაუნის სინდრომის მსოფლიო დღის აღნიშვნასთან დაკავშირებით, დღის მოვლის ცენტრის და „მომავლის სახლის“ ბენეფიციარებს მუნიციპალიტეტის მერიამ გადასცა საზეიმო ტორტი.

9 მაისს, ფაშიზმზე გამარჯვების დღის აღსანიშნავად, ვეტერანებს მერიისაგან გადაეცათ სასურსათო პაკეტი. კორონავირუსთან დაკავშირებული შეზღუდვებიდან გამომდინარე, 9 მაისის მემორიალთან საზეიმო ღონისძიება არ გამართულა.

მასწავლებელთა აღიარების კონკურსში გამარჯვებული პედაგოგი ხაშურის მუნიციპალიტეტის მერიისგან დასაჩუქრდა ფასიანი საჩუქრით.

საანგარიშო პერიოდში ხაშურის მუნიციპალიტეტის დღეგაცვიამ მონაწილეობა მიიღო დამშობილებულ ქალაქ ნოვოგორად-ვოლინსკში გამართულ მეგობრობის დღესასწაულში, რაც ხელს უწყობს ურთიერთობების გაღრმავებას ქალაქებს შორის და უცხოეთში ქართული კულტურის პოპულარიზაციას. სასწავლო წლის განმავლობაში სისტემატურად მიმდინარეობდა საჯარო

სკოლებში მოსწავლეთა ტრანსპორტირების მონიტორინგი.

ა(ა)იპ ხაშურის მუნიციპალიტეტის სამუხეუმო გაერთიანება

2021 წლის 1 ივლისის მდგომარეობით ხაშურის მხარეთმცოდნეობის მუზეუმის ფონდში ირიცხება 105703 ერთეული ექსპონატი(ძირითადი და დამხმარე ფონდი), მათ შორის: არქეოლოგიური მასალა-80026 ერთეული, წერილობითი ძეგლები-4672 ერთეული, დოკუმენტები-4514 ერთეული, ფოტომასალა-9890 ერთეული, ეთნოგრაფიული მასალა-769 ერთეული, საეკლესიო ნივთები-25 ერთეული და სხვა; საანგარიშო პერიოდი განსაკუთრებით აღსანიშნავია იმით, რომ გაგრძელდა ლესია უკრაინკას მუზეუმის სარეაბილიტაციო სამუშაოები. დამთავლიერებელს ელოდება ქვიშხეთის დიმიტრი ყიფიანის სახლ-მუზეუმი. საანგარიშო პერიოდში აქ განხორციელდა ექსპონატიების შევსება- გადახალისება ახალი მასალით.

შესრულდა სხვადასხვა სამუშაო სამუხეუმო საქმიანობის თითქმის ყველა მიმართულებით. კერძოდ: სამუხეუმო ექსპონატების ელექტრონული მონაცემთა ბაზა უკვე შექმნილია 95621 ექსპონატზე;

- მოხდა ხაშურის მხარეთმცოდნეობის მუზეუმის საცავიდან ახალ ფონდსაცავში მოპოვებული არქეოლოგიური მასალის გადატანა, ექსპონატებს ჩაუტარდა ფიზიკური დასუფთავება და დეზინფექცია, - ჩატარდა მოპოვებული არქეოლოგიური მასალის დიფერენცირება მოპოვების ადგილის მიხედვით(50 ლოკაცია); არქეოლოგიური მასალიდან გამოირჩა სოფ. წაღვლის სასკოლო მუზეუმის, ადგილ „ბესას ტყის“, ადგილ „რეზოს მიწების“, ადგილ „მიქელაანთ ვერხვების“, სოფ. ნაცარგორის მრავალფენიანი სამაროვნისა და ნამოსახლარის არქეოლოგიური მასალა.
- მოხდა ხის, ტყავის, სპილენძის და რკინის მასალისგან დამზადებული ეთნოგრაფიული ექსპონატების გადატანა ახალ ფონდსაცავში, დასუფთავდა და დეზინფიცირდა, განლაგდა შესაბამის თაროებზე;
- მოხდა სოფ. ნაცარგორის ადრე ბრინჯაოს ხანის ნამოსახლარი გორის არქეოლოგიური მასალის გადატანა სოფ. გომიდან ახალ საცავებში, ექსპონატებს ჩაუტარდა ფიზიკური დასუფთავება და განლაგდა შესაბამის თაროებზე;
- სამუხეუმო მასალით დახმარება გაეწეოთ მოქალაქეებს: რეზო ბარბაქაძეს, ლია ჯიქურაშვილს, მაია გუდაძეს და სხვებს;
- სამუხეუმო აღრიცხვის წიგნებში აღირიცხა, დაინომრა, შესაბამის ყუთებში განლაგდა სურამის ციხის მიდამოებში 2020 წლის არქეოლოგიური გათხრების შედეგად მოპოვებული არქეოლოგიური მასალა(85 ერთეული);
- მუხეუმის თანამშრომლები ჩართულნი იყვნენ ხაშურის მუნიციპალიტეტის სოფ. ხცისში შემთხვევით აღმოჩენილი ანტიკური ხანის სამარხის მიდამოებში ჩატარებულ არქეოლოგიურ სამუშაოებში.
- მუხეუმმა მონაწილეობა მიიღო USAID-ის და საქართველოს კულტურის სპორტისა და ახალგაზრდობის სამინისტროს მიერ ორგანიზებულ ტრენინგში, რომელიც ჩატარდა სამუხეუმო საქმის მენეჯმენტის საკითხებთან დაკავშირებით;

მუხეუმის ბიბლიოთეკა შეივსო ახალი წიგნადი ფონდით.

ბორჯომის ქუჩაზე მწვობარში ჩადგა ტურიზმის სამსახურისთვის განკუთვნილი ოფისი. დაიბეჭდა სერვის „ისტორიული სავარგულოები ხაშურში“, მე-3 წიგნი, „აბაზაძეები“. ამ სერით მომზადებულია გამოსაცემად ხიდირბეგიშვილები. მუშავდება კომპიუტერული ვერსია მურვანიშვილებისა და აბაშიძეების სავარგულოების შესახებ. გარდა ზემოთ

აღნიშნულსა, გამოვიდა მ. მთავარელიძის ბიოგრაფიული რომანი დიმიტრი ყიფიანზე სახელწოდებით „კაცი ხასიათისა“. - მზადდება გამოფენა საშუალო მხარეთმცოდნეობის მუზეუმში დაცული საბრძოლო იარაღების შესახებ, ამ ექსპონატთა დიდ ნაწილს რესტავრაცია ჩაუტარდა თბილისის სამხატვრო აკადემიაში.

მომზადებულია ნაშრომები: „თეატრალური ხაშური“. „სურამის წარსულიდან, განათლება და კულტურა“ ასევე, მომზადებულია მასალები გამოფენისათვის „მეთუნეობა ხაშურის რაიონში“ თავის თანდართული პროგრამით.

ა(ა)იპ ხაშურის სკოლამდელი აღზრდის დაწესებულება საბავშვო ბაღების გაერთიანება.

როგორც ცნობილია, ხაშურის მუნიციპალიტეტში ფუნქციონირებს 18 საბავშვო ბაღი (ქალაქად 8, დაბა სურამში 1 და სოფლად 9), 62 ჯგუფით მათ მომსახურებას უწევს 341 თანამშრომელი, საბავშვო ბაღებში, 2021 წლის 1 იანვრისათვის, რეგისტრირებული იყო 2000 აღსაზრდელი.

მიმდინარე წლისათვის საფინანსო რესურსი სუბსიდიების სახით გამოყოფილი გვაქვს 2662590 ლარი, საიდანაც 6 თვეში მოხდა 1200285 ლარის ათვისება. ბიუჯეტის განმავლობაში საბავშვო ბაღების საჭიროებიდან გამომდინარე მომწოდებლებთან გაფორმებული იქნა 58 ხელშეკრულება, მათ შორის 15 ელექტრონული ტენდერის მეშვეობით. ხარჯების დაფინანსების კუთხით 1200285 ლარიდან შრომის ანაზღაურებას მოხმარდა 736914 ლარი, 103630 ლარი დაიხარჯა კომუნალურ მომსახურებაზე, კვების ხარჯებს მოხმარდა 210090 ლარი, სხვა სოფისე, სან-ჰიგიენურ და სადეზინფექციო ხსნარების შეძენას მოხმარდა 34723 ლარი, სამხარეულუბაში ბუნებრივი აირის ღირებულების ამოცვლისათვის ელექტროღუმელებით დახარჯული იქნა 99000 ლარი, სხვა დანარჩენ ხარჯებს მოხმარდა 15928 ლარი .

საანგარიშო პერიოდში, საქართველოში კორონავირუსის პანდემიასთან დაკავშირებით, ხაშურის საბავშვო ბაღების გაერთიანება მოქმედებდა დაწესებულებების შეზღუდვების და რეგულაციების შესაბამისად . საბავშვო ბაღებში გაცემული რეკომენდაციების საფუძველზე, საადმინისტრაციო პროცესი მიმდინარეობდა წყვეტილობით. აღსაზრდელებს იანვარ-თებერვლის თვეში დაურიგდათ 91971 ლარის ღირებულების საკვები პროდუქტები. იანვარ-ივნისის ჩათვლით შენობა-ნაგებობებში პერიოდულად ტარდებოდა სადეზინფექციო სამუშაოები სპეციალური სადეზინფექციო ხსნარებით და მთელი ამ პერიოდის განმავლობაში მუშაობა მოგვიწია მთელი რიგი რეგულაციების შესაბამისად, რომელიც დაწესებული იქნა საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 მაისის 01-227/ო ბრძანების პირველი მუხლის „პ“ პუნქტით. ყველა ბაღმა გაიარა შემოწმება, ბაღების მომსახურე პერსონალი უზრუნველყოფილი იყო პირბადეებით, ხელის სადეზინფექციო ხსნარებით, დეზობარიერებით, უკონტაქტო თერმომეტრებით , ხელის დისპენსერებით, აგრეთვე სხვადასხვა ნივთებით (როგორცაა ბახილები, ერთჯერადი ხალათები , ქუდები. ამ ეტაპზე მიმდინარეობს მზადება ახალი სასწავლო წლის დაწყებასთან დაკავშირებით.

ა(ა)იპ სკოლისგარეშე სასპორტო საგანმანათლებლო დაწესებულების ხაშურის კომპლექსური სასპორტო სკოლა

ხაშურის მუნიციპალიტეტის კომპლექსურმა სასპორტო სკოლაში ფუნქციონირებს სპორტის თორმეტი სახეობა, საწვრთნელო ვარჯიშებში ჩართულია 1359 აღსაზრდელი, სკოლის ყველა მწვრთნელ-მასწავლებელი ლიცენზირებულია. სასწავლო ვარჯიშები მიმდინარეობს დამტკიცებული განრიგის მიხედვით კვირაში ერთხელ სკოლის სამედიცინო პერსონალის მიერ სამედიცინო შემოწმება უტარდებათ სპორტსმენებს. 2021 წელს, სპორტული ფედერაციებიდან მოსული დებულებების თანახმად, სხვადასხვა ტურნირებსა და შეჯიბრებებში მუნიციპალიტეტის სახელით მონაწილეობა მიიღეს სასპორტო სკოლის აღსაზრდელებმა. ასევე, სასპორტო სკოლის სპორტსმენები არიან საქართველოს ეროვნული ნაკრები გუნდების შემადგენლობაში სპორტის სხვადასხვა სახეობებში რომლებმაც მონაწილეობა მიიღეს საერთაშორისო ტურნირებში.

2021 წელს გვყავს ევროპის ჩემპიონატის მეორე პრიზიორი ჭიდაობა სამბოში - ასევე გვყავს ევროპის ორი ჩემპიონი რაგბიში.

2021 წლის შედეგები:

- სამბო**
- 1. ზაურ დვალაშვილი -ევროპის ჩემპიონატის მე-2 პრიზიორი;
- 2. ზაურ დვალაშვილი - საქართველოს ჩემპიონი;
- 3. მიშიკო ნოზაძე - საქართველოს ჩემპიონი.

რაგბი

- 1. გურამ გოგინაიშვილი- ევროპის ჩემპიონი;
- 2. გია ხარაიშვილი-ევროპის ჩემპიონი.

ძიუდო

- 1. გიორგი ნასყიდაშვილი - საქართველოს ჩემპიონი;
- 2. ლუკა მაისურაძე - გრანსლემის მე-3 პრიზიორი.

ძალოსნობა

- 1. გიორგი ხარაიშვილი - საქართველოს ჩემპიონი;
- 2. თორნიკე ტაბატაძე - საქართველოს ჩემპიონი;

კომპლექსურმა სასპორტო სკოლამ უმასპინძლა: საქართველოს ჩემპიონატს ჭაბუკებს შორის, თავისუფალ და ბერძნულ-რომაულ ჭიდაობებში.

რამაზ ხარაიშვილის მე-3 რესპუბლიკურ ტურნირს ჭიდაობა ძიუდოში.

სოფელ ვაყაში, ქართული ჭიდაობის ფედერაციისა და ხაშურის მუნიციპალიტეტის სასპორტო სკოლის ორგანიზებით გაიმართა ქართული ჭიდაობა.

საქართველოს ეროვნული ნაკრების მწვრთნელებმა – მილოშ გლიგორიევიჩმა და ანატოლი ბოისამ შიდა ქართლის რეგიონის ახალგაზრდა კალათბურთელებს საკალათბურთო ვარჯიშები ჩაუტარეს.

საქართველოს კალათბურთის ორმა ასაკობრივმა ნაკრებმა სამწვრთნელო შეკრებები გაიარეს კომპლექსურ სასპორტო სკოლაში.

ახალგაზრდული პროგრამების ფარგლებში, ხაშურის მკვიდრმა შშმ პირებმა, ივლისის თვეში, მონაწილეობა მიიღეს ჯომარდობაში, რომელიც გაიმართა ბორჯომის მუნიციპალიტეტის სოფელ ჩითახევში. საზღვრისპირა სოფლებიდან მოსწავლეებმა მონაწილეობა მიიღეს კასპის ტექნოპარკში გამართულ პროექტ „გააცივრულე საქართველო“ პირველ შემადგამებელ ღონისძიებაში, ასევე, ხაშურის მუნიციპალიტეტის ახალგაზრდებმა მონაწილეობა მიიღეს სვანეთში გამართულ კულტურის დღეებში „მესტია- 2021“.

ა(ა)იპ ხაშურის მუნიციპალიტეტის საბიბლიოთეკო გაერთიანება

ხაშურის მუნიციპალიტეტის საბიბლიოთეკო გაერთიანება მოიცავს ხუთ ბიბლიოთეკას, ყველა ბიბლიოთეკაში აქტიურად მიმდინარეობდა სხვადასხვა

მწერლებისა და საზოგადო მოღვაწეთა საიუბილეო თარიღების, წიგნის პრეზენტაციების, საერო მნიშვნელობის დღესასწაულების აღნიშვნა. ბიბლიოთეკებში აღინიშნა დედამისწის დღე, დედაჩემის დღე, ოკუპაციის კვირეული წიგნის საჯარო კითხვის დღე, გარემოს დაცვის მსოფლიო დღე. ბიბლიოთეკებში მიმდინარეობდა ყველა იმ მომსახურების გაწევა, რაც ამ ეტაპზე აქვს ჩვენს ბიბლიოთეკებს. ქვეყანაში არსებული ეპიდემიური სიტუაციიდან გამომდინარე გაიმართა ონლაინ ღონისძიებები. სხვადასხვა ღონისძიებები გაიმართა საბიბლიოთეკო კვირეულთან დაკავშირებით.

საბიბლიოთეკო კვირეულთან დაკავშირებით, მოხდა ონლაინ ჩართვა საქართველოს პარლამენტის ეროვნული ბიბლიოთეკის საბიბლიოთეკო რესურსების დეპარტამენტის დირექტორ ლევან თაქთაქიშვილთან, სტანდარტების განყოფილების უფროს რომან აფაქიძესთან და საბიბლიოთეკო ასოციაციის პრეზიდენტ რუსუდან ასათიანთან. საუბრები შეეხებოდა ბიბლიოთეკების ისტორიას და დღევანდელობას.

საბიბლიოთეკო გაერთიანების ფეისბუქ გვერდზე ქვეყნდება სხვადასხვა საინტერესო სტატიები.

სოფელ ჩორჩანაში გაიხსნა სამკითხველო ოთახი.

ხაშურის მუნიციპალიტეტის ბიბლიოთეკამ უმასპინძლა საქართველოში ამერიკის ელჩს.

ა(ა)იპ „ხაშურის მუნიციპალიტეტის სკოლისგარეშე სახელოვნებო-საგანმანათლებლო დაწესებულებების - სამუსიკო სკოლების გაერთიანება“.

სამუსიკო სკოლების გაერთიანებაში 2020-2021 სასწავლო წელს ირიცხება 465 მოსწავლე, აქედან ხაშურის სამუსიკო სკოლაში -311 მოსწავლე, სურამის სამუსიკო სკოლაში-71 მოსწავლე, ქვიშხეთის სამუსიკო სკოლაში-83 მოსწავლე.

სამუსიკო სკოლის მოსწავლეები ეუფლებიან სახელოვნებო სკოლის პროგრამით გათვალისწინებულ მოთხოვნებს და ყოველწლიურად აქტიურ მონაწილეობას ღებულობენ როგორც რესპუბლიკურ, ასევე საერთაშორისო კონკურს-ფესტივალებში და სხვადასხვა ადგილობრივ ღონისძიებებში. გაერთიანების სამუსიკო სკოლებში სასწავლო პროცესი განახლდა 15 მარტს და მიუხედავად პანდემიისა, სკოლის მოსწავლეები და მათი პედაგოგები აქტიურად იყვნენ ჩართულნი სხვადასხვა კონკურს-ფესტივალებში. 2021 წლის 6 თვეში ჩატარდა შემდეგი ღონისძიებები:

აპრილში, ქალაქ გორში, გაიმართა კონკურს-ფესტივალის „მომავლის ვარსკვლავები“ I ტური, სადაც მონაწილეობა მიიღეს ხაშურის სამუსიკო სკოლის საფორტეპიანო და სიმებიან საკრავთა განყოფილების (ვიოლინო) მოსწავლეებმა: მაისში ქ. თბილისში, მუშტაიძის ბაღში, გაიმართა ფესტივალის „მომავლის ვარსკვლავები“ გალა-კონცერტი, სადაც მონაწილეობდნენ ხაშურის სამუსიკო სკოლის მოსწავლეები. სამუსიკო სკოლის ერთმა მოსწავლემ გაიმარჯვა ნომინაციაში „ჯაზური კომპოზიციის საუკეთესო ინტერპრეტაცია“, დაჯილდოვდა მედლით და დიპლომით. მეორე მოსწავლეს კი მიენიჭა ლაურეატის წოდება.

ივნისში, ხაშურის სამუსიკო სკოლაში ჩატარდა მოსწავლეთა საანგარიშო კონცერტი.

სასწავლო წლის დასრულებასთან დაკავშირებით, საანგარიშო კონცერტები ჩატარდა აგრეთვე სურამის და ქვიშხეთის სამუსიკო სკოლებში.

22 ივნისს ბორჯომის სამუსიკო სკოლაში, გაიმართა კონცერტი, სადაც მიწვეულნი იყვნენ ხაშურის სამუსიკო სკოლის სიმებიან საკრავთა განყოფილების (ვიოლინო) მოსწავლეები. პედაგოგი ფატი სადალაშვილი, კ/მ თამაზ აბრამიძე.

21 ივნისს, ქართული გალობისა და ხალხური სიმღერის სასწავლებლის ხალხური სიმღერის პედაგოგ გიორგი შუბითიძის გუნდმა მონაწილეობა მიიღო საირმეში გამართულ ფესტივალზე „კავკასიის სახლი“, სადაც დაიმსახურა გრანპრი და ყველა მონაწილე მოსწავლეს ფესტივალში წარმატებული მონაწილეობისათვის გადაეცა სიგელი და მედალი. 27 ივნისს, ქართული გალობისა და ხალხური სიმღერის სასწავლებლის ხალხური სიმღერის პედაგოგ გიორგი შუბითიძის გუნდმა მონაწილეობა მიიღო ტაშისკარში ჩატარებულ ტრადიციულ დღესასწაულზე „ტაშისკარ-სააკაძეობა.“

ა(ა)იპ კულტურის და ბავშვთა და მოზარდთა განვითარების ცენტრების გაერთიანება

ხელოვნების განვითარების ხელშეწყობის პროგრამას ახორციელებს კულტურის და ბავშვთა და მოზარდთა შემოქმედებითი განვითარების ცენტრების გაერთიანება, რომელიც მოიცავს: თოჯინების თეატრს, საქალაქო კულტურის ცენტრს, სურამის და ქვიშხეთის კულტურის ცენტრებს და ბავშვთა და მოზარდთა შემოქმედებითი განვითარების ცენტრს.

ხაშურის თოჯინების თეატრი მონაწილეობდა საერთაშორისო სატელევიზიო ფესტივალში “ფერადი ზამთარი” სადაც დაიმსახურეს ფესტივალის უმაღლესი ჯილდო გრან-პრი. მაისში გაიმართა თოჯინების თეატრის სპექტაკლის “ყველა თავუნას უყვარს ყველი” სამი ჩვენება; ივნისში ჩატარდა ბავშვთა და მოზარდთა შემოქმედებითი განვითარების ცენტრის ღონისძიება “ერთად გავაფრადოთ ჩვენი სამყარო”. 20 ივნისს, უფლისციხეში, შიდა ქართლის ტურისტული სეზონის გახსნასთან დაკავშირებით, მოეწყო ხალხური რეწვისა და გამოყენებითი ხელოვნების ნიმუშების გამოფენა-გაყიდვა.

25 ივნისს - თოჯინების თეატრის წინამდებარე სკვერში, ჩატარდა ასფალტზე ხატვის ფესტივალი, სადაც მუნიციპალიტეტის ბავშვებთან ერთად, მონაწილეობდნენ “მომავლის სახლის” ბავშვები; 27 ივნისს ტაშისკარის ბრძოლის 412 წლისთავთან დაკავშირებით, მოეწყო სახალხო ზეიმი სოფელ ტაშისკარში. თოჯინების თეატრი მონაწილეობდა ქობულეთში გამართულ საერთაშორისო ფესტივალზე “ნარინჯისფერი ქობულეთი”.

ა(ა)იპ გაზეთი "ხაშურის მოამბე"

გაზეთი „ხაშურის მოამბე“ - წლის განმავლობაში განსაზღვრულია 50 ნომრის გამოცემა, ასევე 12 ნომერი გამოიცემა „ლიტერატურული ხაშური“- ს ჩანართით. ტირაჟის რაოდენობა შედგენს 700 ცალს, აქედან, 500 ეგზემპლარი ერცელებოდა ხელმოწერებზე, ხოლო დანარჩენი რაოდენობა უსასყიდლოდ გადაეცემათ იძულებით გადაადგილებულ პირთა კომპაქტურ ჩასახლებებს და სოფლის რწმუნებულებს, მათ ტერიტორიაზე გასაერცვლებლად.

დღეის მდგომარეობით დაბეჭდილია და გამოცემულია გაზეთი „ხაშურის მოამბის“ 24 ნომერი და „ლიტერატურული ხაშური“ - ს 5 ნომერი.

კონსტანტინე ფრუიძე, ხაშურის მუნიციპალიტეტის მერიის განათლების, კულტურის და სპორტის სამსახურის ხელმძღვანელი

(გაგრძელება. დასაწყისი იხ. „ბმ“ #21,22,23,24,25,26,27,28,29 2020 წ. 2021 წ. #1,2,3,4,5,6,7,8,9,10,11,12,13,14,15,16,17,18,19,20,21,22,23,24,25)

მოწვევების ჩვენებები ადასტურებენ, რომ ჯერ კიდევ 17 დეკემბერს ვიღაც ახალგაზრდა ყმაწვილი შავ ტანისამოსში, შავქუდიანი ეკითხებოდა მემანქანეს დეპოში მუშაობის შესახებ; იგივე ახალგაზრდა 18-ს დილით მოვიდა უფროს ვაგონების მეთვალყურესთან მენზურთან, რომელიც ბაქანზე იდგა და პირდაპირ ჰკითხა მას, რატომ მუშაობთ და რატომ მხარს არ უჭერთ ტფილისის მთავარ სახელოსნოს მუშებსო. მაგრამ როდესაც მიიღო მკვახე პასუხი, მიიძალა და ამის შემდეგ ეს ყმაწვილი განხდა სახელოსნოებში, დაუწყო ბაასი ხან ერთს, ხან მეორეს და ბოლოს მუშების ჯგუფებს, რის შედეგი იყო ცოტა ხნის შემდეგ მუშაობის შეწყვეტა.

ბ. ჩობაროვსკის ჩვენებით და მუშებს შორის ხმებით მტკიცდება, რომ ეს ახალგაზრდა იყო ტფილისის მთავარ სახელოსნოს მკვდელი კოკაშვილი, რომელსაც სახით იცნობს ბ. ჩობაროვსკი. როდის ჩამოვიდა მიხაილოვში და როდის წავიდა, ამის შესახებ ცნობები არ მოგვეპოვება.

გარდა ამისა, მუშებთან სახელოსნოში იყო კიდევ მაღალი ტანის, რუხი პალტოთი და ქერა წვერიანი კაცი, რომელიც ტფილისიდან უნდა ყოფილიყო ჩამოსული; საერთოდ, მუშები გაურბიან ვინმეს დასახელებას.

მიღებულია ზომები კოკაშვილის პიროვნების გამოსარკვევად და აგრეთვე სხვა წამქეზებელთა აღმოსაჩნათ.

მეორე დოკუმენტი თითქმის იდენტურია პირველისა, მაგრამ არის ზოგიერთი მომენტი, რაც ზემოთ მოტანილ დოკუმენტში არ გვხვდება და ზოგიერთ შემთხვევაში ავსებს მას.

„... ტფილისის სახელოსნოებში მომხდარი გაფიცვის შესახებ მიხაილოვს დეპოს მუშებმა იცოდნენ 15 დეკემბერს, მაგრამ ამ გარემოებას არავითარი გავლენა არ მოუხდენია, მიხაილოვში გაფიცვაზე არავინ არ ფიქრობდა.

მაგრამ წარსული 18 დეკემბერს სად. მიხაილოვს ბაქანზე დილით ადრე განხდა ახალგაზრდა კაცი, მაღალი ტანის, შავგერემანი, პატარა წვერით, შავ ტანსაცმელში და შავი ქუდი. ეს ყმაწვილი მივიდა ვაგონების მეთვალყურე მენზურთან და ჰკითხა, რატომ მუშაობენ და მხარს არ უჭერთ ტფილისის მუშებს, აქედან ის წავიდა დეპოში, სადაც მემანქანე ქიტიაშვილს შეეკითხა: რამდენ საათს მუშაობენ მუშები და საერთოდ, მუშაობის როგორი პირობებიაო. ქიტიაშვილმა უპასუხა, რომ მუშაობენ 9 საათს.

გარდა ამისა, ის ესაუბრებოდა სხვა მუშებსაც, სანამ ზეინკალმა ცველერმა არ მისცა მას წინადადება დაეტოვებინა დეპო. იმავე დღეს გამოირკვა, რომ უცნობი ახალგაზრდა ჩამოსულია ტფილისიდან, სადაც ის სახელოსნოებში ზეინკალად მუშაობს, გვარად კოკაშვილია და მას იცნობს ბ. ჩობაროვსკი, რადგან ზეინკალი კოკაშვილი წინეთ მიხაილოვში მუშაობდა; აგრეთვე ზეინკალ ცქვირორისა გაუგონია მუშებისაგან, რომ დეპოში მოსული ყმაწვილი იყო კოკაშვილი.

საუხმის შემდეგ, დაახლოებით 10 საათზე, მუშა-ხელოსნებმა შესწყვიტეს მუშაობა და თავი მოიყარეს დეპოსთან. ხელსაწყოების გამოკონტაქტის მიზნით დეპოს უფროსთან და აცნობა მას მუშაობის შეწყვეტა. ბ. ჩობაროვსკიმ, გაიგო მან ეს ამბავი თუ არა, გამოვიდა მუშებთან და დაუწყო მათ რჩევა, რომ განეგრძოთ მუშაობა და არ შეერცხვინათ დეპო.

მუშებმა, თავის მხრით, სთხოვეს მას, რომ განემარტა მათთვის დახმარების ახალი წესები, აგრეთვე უფასო ბილეთების და საექიმო დახმარების მოსპობის შესახებ ხმების სისწორე.

ბ. ჩობაროვსკი განუცხადა მათ, რომ ჯერ ახალი წესების მან არაფერი იცის და თუ რამე ასეთს მიიღებს ის, აცნობებს მათ, ესეა კი შეეკითხება რკინის გზის სამმართველოს.

ამ დროს, ზეინკალმა ცინცაბაძემ გადასცა ბ. ჩობაროვსკის ბიულეტენი და განუცხადა მას, რომ ფერშალმა გრინბაუმი არ მისცა წამალი აბუაშვილს. ჩობაროვსკიმ აღუთქვა მას გამოერკვია, თუ რატომ არ მისცეს აბუაშვილს წამალი, და განაცხადა, რომ ყოველ შემთხვევაში არავითარი განკარგულება წამლების გაცემის აკრძალვის სესახებ არ ყოფილა.

დაახლოებით 15-20 წუთის შემდეგ მუშებმა დაიწყეს მუშაობა, მაგრამ 10 წუთის შემდეგ კვლავ შესწყვიტეს მუშაობა, მივიდნენ დეპოს უფროსის თანამშემწესთან და როდესაც მიიღეს კატეგორიული პასუხი, რომ დეპოს უფროსს არ მიუღია არავითარი განკარგულება ახალი წესების შემოღების შესახებ, დაწყნარდნენ, და ამის შემდეგ წესიერება არ დარღვეულა...”

მიხაილოველ რკინიგზელების გაფიცვას რსდმპ თბილისის კომიტეტის დავალებით ხელმძღვანელობდა ამიერკავკასიის რკინიგზის მთავარი სახელოსნოების მუშა სტეფანე გარიშვილი. სწორედ სტეფანე გარიშვილი იყო ის ახალგაზრდა კაცი წაბლისფერი თმითა და პატარა წვერით, შავ კოსტუმში, რომელზეც ზემოთ მოტანილ დოკუმენტშია საუბარი. გაფიცვის შემდეგ, სტ. გარიშვილი დააპატიმრეს და 10 თვით მეტეხის ციხეში მოათავსეს. განთავისუფლების შემდეგ, იგი აღმინისტრაციული წესით ბაქოში გადასახლეს, სადაც კვლავ აქტიურად ჩაება მუშათა მოძრაობაში.

მიხაილოველ რკინიგზელთა 1898 წლის 18 დეკემბრის გაფიცვა არაორგანიზებული იყო. იგი ერთი დღე მძიმედ დგებოდა და თბილისის რკინიგზელთა გაფიცვის შემადგენელ ნაწილად უნდა განვიხილოთ. ამიტომ შედეგად საერთო იყო – საქართველოს მოელ რკინიგზაზე შეაჩერეს ახალი წესების შემოღება და ძალაში დატოვეს ძველი. მნიშვნელოვანი იყო ის ფაქტი, რომ მიხაილოველმა მუშებმა 18 დეკემბრის გაფიცვით გამოხატეს თავიანთი სოლიდარობა თბილისელი რკინიგზელები მიმართ, რაც საშუალებას გვაძლევს ვილაპარაკოთ მათში პოლიტიკური შეგნების დონეზე. ამ გაფიცვით მიხაილოველმა მუშებმა ერთი საინტერესო ფურცელი ჩაწერეს საშურის საზოგადოებრივ-პოლიტიკური მოძრაობის ისტორიაში.

900-იანი წლების დასაწყისში, საშურსა და მისი რევიონის მოსახლეობაში ფართო პროპაგანდისტული მუშაობა ეწეოდნენ გ. ელისაშვილი, დ. სულიაშვილი, სტ. ნოზაძე, მ. დავითაშვილი, ს. აღიმბარაშვილი, გ. პარკაძე და სხვები. ცნობილი სოციალ-დემოკრატი ისიდორე რამიშვილი იგონებს:

„იმ ხაფხულს მსგავსად წინა წლისა, სურამს წავიყვანე ბავშვები, სადაც მეგულებოდა გათხოვილი ძმისწული, რომელსაც ჩავაბარე ბავშვები და მე გავვიღე საშურში და მის ირგვლივ სოფლებში. ბათუმთან შედარებით აქ მუშაობა გაცილებით სუსტად მიდიდა, განსაკუთრებით, სოფლებში, სადაც არ იყო ის შეგნება და რევოლუციური აღტყინება, რაც გვენახა გურიში და საზოგადოდ, დასავლეთ საქართველოში. თვით საშურშიც კი საქმე ხანტად მიდიოდა. სადგურის ზემოთ, ტყიან გორაკზე, ვიკრიბებოდით დამის სინელებში თითო-ოროდ. პაროლად ორჯერ სტვენა გვეკონდა, ორჯერ გაგრძელებული სტვენა ჩვენი კაცისა იქნებოდა და ჩვენც იმგვარადვე სტვენით ვამცნობდით, სადაც უნდა მოსულიყო. შეიყრებოდა 13-15 დეპოს მუშა და კონდუქტორები და შეუვადებოდით ახსნა-განმარტებას, პროპაგანდას. დიდ აქტივობას იჩენდა სიმონ ბაბლიძე, რომელსაც მოყვავა ფარულ წრეში ახალ-ახალი მსმენელი დეპოდან და თვითონაც კარგ პროპაგანდას ეწეოდა, ლაპარაკი შეეძლო. იყვნენ კონდუქტორებიც ხეირიანები, მაგ ნოზაძე, იმ. კეშელავა და სხვა – ბევრის გვარი ახლა აღარ მახსოვს.

შეგ დაბაში ვერაფრის მოწყობას ვახერხებდითადაც პოლიცია უკვე გამოღვიძებული იყო მოძრაობის სიოს აქ შემოტანით და ფხიზლობდა. განსაკუთრებით მას შემდეგ, რაც აქამდე რკინიგზის გაფიცვის დროს მუშების სისხლი დაიდგარა. უფრო ძნელი

ხდებოდა სოფლებში მუშაობა, ზემო ქართლის გლეხები მაშინ კიდევ არ იყვნენ გამოღვიძებული რევოლუციონური მოქმედებისთვის, კიდევ უფროსა და ხელმწიფის ერთობლივად ყმები იყვნენ, ისმენდნენ ჩემს ქალაგებას უგულოდ და უარწმუნოდ, „პრისტავის“ ძლიერ ემინოლად და „უშმაკს, გაურბოდნენ. თითო-ორთა კაცი უნდა გექებნა, ბევრი ბრმა სიტყვა უნდა მათზე დაგვეხარჯა. გამოგვლიძებინა საღათას ძილისგან, რომ მერე მათი საშუალებით მათ მეზობლებზე გადავსულიყავით. გლეხებთან შეაკაცებად ისევ ხაშურის მუშები ან სურამელი ნოქრები თუ გამოგადგებოდნენ, სამაგიეროდ, კარგად წავიდა საქმე სახაფხულო ბანაკში მდგომ იუნკერებს შორის, მათი კრება მრავალრიცხოვანიც იყო და ხალისიანიც.

ერთ კვირა დღეს განვიზრახეთ სურამში მოგვეხდინა საჯარო დემონსტრაცა და ხალხის ყურადღება მიგვექცია ახალი მოძრაობისაკენ, შეგვეხდინა მისი გულგრილობა ამ მოძრაობისადმი, სურამში საგარაკოდ დიდძალი ხალხი იყრიდა თავს, რომლის გასართობ და საყვარელ ადგილს წარმოადგენდა სადგურის წინ ამართული გორაკი. ეს გორაკი ყოველ საღამოობით შეიხუნძლებოდა აჭრელებული ტანსაცმლიანი ხალხით, მსგავსად გაზაფხულზე ახლად გამოფეთქილ ყვავილებისა და იყო განცხრომა და მხიარულება. აი, აქ უნდა აგვეფრიალებინა დროშა და წარმოგვეთქვა, შეძლებისდაგვარად, რამდენიმე რევოლუციონერული სიტყვა და მალე დაფვანტულიყავით, რომ ბოქაულებს და ჩაფრებს ჩვენთვის არ მოესწრო. განზრახული იყო ასე: ვიქნებოდით თვით მოსეირნე ხალხში, სხვადასხვა მხრიდან ცალ-ცალკე მომიხლოვებოდნენ თანამოაზრენი და მონაწილენი გამოსვლისა. მე სიტყვას ვიტყვოდი, რომლის დროსაც დროშა აისებებოდა და რევოლუციონური სიმღერა ითქმებოდა.

ასეც მოხდა, მხოლოდ თან ერთი კურიოზი დაერთო: როდესაც მე ამხანაგების მოლოდინში ვიჯექი გორაკის თითქმის მწვერვალზე და ძირს დავეურვდი მორფუსფუსე ხალხს, გვერდით მომიჯდა ჩემი კარგი ნაცნობი ბლალონინ-დეკანოზი არსენ თოხაძე, რომელმაც გამიბა სხვადასხვა ჭრული ამბები უფრო მათი, სასულიერო წოდების, ცხოვრებიდან. მე გაფანტულად ვიგდებდი ყურს, სულ სხვა მხრისაკენ

იყო მიქცეული ჩემი ყურადღება. როცა დადგა ჩვენი გამოსვლის დრო, ხაშურიდან და თვით სურამიდან მოსული ამხანაგების რიცხვი საგრძობლო შეიქმნა, მე წამოვდექი და მტკეხარე ხმით დავიძახე: „ამხანაგებო და მოქალაქენო!“ და თან დროშაც აფრიალდა. მეხდაცემული ბლალონინი, ეს რა ჭირში ჩავეარდიო, ქუდმოგლეჯილი

გარბოდა ძირს დაფეთებული, მისი გრძელი ყავარჯენი და ანაფორის კალთები ფეხებში ეხლართებოდა და ბარბაცით მიღასლასებდა. თუშცა ამის დრო არ იყო, მაგრამ უნებურად თვალი მოგვარი ამ სურათს და გამეცინა.

მე კი ხანი ვილაპარაკე თანამედროვე უსამართლობაზე და მისი მოსპობის საშუალებებზე, ხალხი შეინძრა. უმრავლესობა დაფრთხა, გაიფანტა, რამდენიმე ცნობისმოყვარე თუ უფრო შეგნებული და თანამგრძობი მოგვიხლოვდა და ჩემით დაინტერესდა. როცა სიტყვა გავათავე ძირს მწყობრად დავეშვიტე რევოლუციონერული სიმღერით გაშლილ დროშის ქვეშ, გაიფანტეთ და დროშა ჩამოვხსენით ჯოხიდან. რკინიგზის ლიანდაგთან მივადწიეთ, რადგან მოგვესმა შემფოთებული სტვენა გოროდოვებისა და დარაჯებისა. სხვადასხვა გზით ხალხში და დაბებში მივიძაღეთ. მეტი ნაწილი ხაშურის გზას დაადგა, რადგან ღამით ხაშურის გორაკზე, ტყეში კრება იყო დანიშნული. ჩვენ მიზანს მივადწიეთ – მოაგარაკე დადაბის მცხოვრებთ შორის და გამოსვლის შესახებ დაიწყეს ლაპარაკი – ზოგი უარყოფით და ბუზღუნით, ზოგი თანამგრძობით და თანხმობით. პოლიციას ჯერ კიდევ ვყავდით თვალში აყვანილი არ გვიცნობდა პირადად.

1901 წელს მოეწყო სადგურ მიხაილოვს რკინიგზის მუშა-მოსამსახურეთა გამოსვლა, მოხდა გაფიცულებსა და პოლიციელებს შორის შეტაკებაც, მაგრამ ამ გამოსვლას რამე მნიშვნელოვანი შედეგი არ მოჰყოლია.

ხაშურში 900-იანი წლების დასაწყისში, საზოგადოებრივ-პოლიტიკური მოძრაობის გააქტიურებას განსაკუთრებით შეუწყო ხელი 1903 წელს აქ რსდმპ ადგილობრივი ორგანიზაციის შექმნამ. 1928 წელს გახეთ „კომუნისტში“ საქართველოს კპ ხაშურის რაიკომის ხელმწიფრით გამოქვეყნებულ წერილში ნათქვამია: „1903 წელს, იანვარში, თბილისიდან ჩამოვიდნენ სოციალ-დემოკრატიული ორგანიზაციის დასაარსებლათ: კირილე ნინიძე და პორფილე ფერმიძე. მათ აქ ინახულეს ხაშურის მოწინავე მუშები: სვიმონ ბაბლიძე, სტეფანე ნოზაძე და ისიდორე მეფარიშვილი, ჩამოსვლებმა აუწყეს მათ ჩამოსვლის მიზანი და უთხრეს, რომ საჭიროა კრების მოწვევა.“

ზემოთ ხსენებულმა ხაშურელმა ამხანაგებმა შეკრიბეს, რიცხვით 50 კაცამდე, დეპოელებისა და მემუხრუჭეებისაგან შემდგარი კრება რკ გზის აბანოში. ეს იყო 13-17 იანვარს. აქ, დაარსდა „რუსეთის სოციალ-დემოკრატიული მუშათა პარტიის“ ხაშურის ორგანიზაცია, პრეზიდიუმში შედიოდა 5 ამხანაგი: 1. სვიმონ ბაბლიძე, 2. სანდრო ნოზაძე, 3. ისიდორე მეფარიშვილი, 4. ეგნატე ჯიბლაძე, 5. მიტროფანე ჯანელიძე.”

უკვე-როცა 1903 წლის მარტში თბილისში რსდმპ ამიერკავკასიის ორგანიზაციების პირველი ყრილობა გაიმართა, თბილისის, ბაქოს, ბათუმის კომიტეტებიდან და ქუთაისის, ჭიათურის, ოზურგეთისა და გორის ჯგუფებიდან წარგზავნილ 15 დელეგატს შორის არის ხაშურის წარმომადგენელიც. ეს ფაქტი კარგად მეტყველებს ხაშურელ მუშათა როლს ამიერკავკასიის რევოლუციურ მოძრაობაში. ამ დროს, როგორც ჩანს, სდმპ ხაშურის ჯგუფი სათანადო პარტიულ-პოლიტიკურ მუშაობას ეწეოდა ადგილზე, რაც მას გამოარჩევდა ამიერკავკასიის სოციალ-დემოკრატიულ ორგანიზაციებს შორის.

1903 წლის დასაწყისში ხაშურში მუშაობდა ისიდორე რამიშვილი, რომელიც გვიან იგონებდა:

„მეტ ნაწილად რკინიგზის სადგურებში ვათევედი ღამეებს, როდესაც ქარელში ან ხაშურში მოვხვდებოდი. სურამისა და ხაშურის რაიონში 1903 წლის გაზაფხულშიაც ვმუშაობდი. სურამში სახაფხულოდ იუნკერები იყვნენ დაბანაკებული. მათ დავეახლოვდი და მოზრდილი წრე შევადგინეთ. ისინი ახალ მოძღვრებას სწავლავდნენ და კარგად ითვისებდნენ, იძლეოდნენ კითხვებს და მართლდნენ კამათს ერთმანეთს შორის ყოველთვის, როცა ჩემი ლაპარაკი დასრულდებოდა. ეტანებოდნენ ლიტერატურასაც და იცოდნენ, რა ხდებოდა რუსეთში. მათთან მეცადინეობა უფრო ადვილი იყო, ვიდრე სოფლებში გლეხებთან.

ხაშურში კონდუქტორების წრე იმართებოდა ხან ისიდორე მეფარიშვილის, ხან უფროს კონდუქტორის ცინცაძის და ხან კონდუქტორ ნოზაძის ბინაზე. მათ შორის მუშაობა გაცილებით ადვილი იყო, რასაკვირველია, ვიდრე სოფლებებს შორის. ჯერ რომ ყველამ კითხვა იცოდა და შეეძლოთ ბეჭდვითი სიტყვით სარგებლობა, მერე რკინის გზის დეპოსთან იყვნენ დაკავშირებული, სადაც მეტი შეგნება და მოძრაობა იყო. დეპოს მუშებთან ხაშურში დაკავშირება არ გაგვიჭირებია. ამ შემთხვევაში დიდად ხელს გვიწყობდა დეპოს მუშა სიმონ ბაბლიძე, რომელიც მაკავშირებდა საუკეთესო მუშებთან, კრებები ამ მუშებისა ხდებოდა ხაშურის თავზე ამართულ გორაკზე. ეს გორაკი მაშინ მოზრდილი ტყით იყო დაფარული. შიგ დამალვა ადვილი საქმე იყო. ღამით ერთმანეთს სტვენით ვპოულობდით. სიმონ ბაბლიძე გარდა იმისა, რომ კარგი ორგანიზატორი იყო გვარიანი მჭკრმეტყველი და ლაპარაკი შეეძლო, როგორც შემდეგში, უფრო თავისუფლად დროს, 1905 წელს, დაამტკიცა ქართლში გამართულ დიდ მიტინგზე, სადაც გამოვიდა მშვენიერი სიტყვით“

თამაზ ლაცაბიძე

(გაგრძელება იქნება)

(გაგრძელება. დასაწყისი იხ. „ხმ“ #21,22,23,25)

თავად როსტომ ბეგთაბეგოვის გლეხი
 6. არუთინ ხუბერაშვილი, მას ჰყავს ცოლი, ვაჟი ფარსადანი, 2 ქალიშვილი, მასთან ერთ ოჯახში მისი ძმა გაბრიელი, ზიძაშვილები: მიხეილი, სიმონი და სტეფანე.
 ამ ცხრასულიან ოჯახს აქვს სახლი, ორდღიური ნასყიდი მიწა, აქედან იღებს დალას, რქოსანი პირუტყვი 5 სული, აღებმიცემობით იღებს შემოსავალს.
 თავად გიორგი აბაშიძის ყოფილი ყმები, რომლებიც ახლა ეკუთვნის მის ვაჟს, ევსტათს
 7. დათიკა ლაცაბიძე, მას ჰყავს ცოლი, ქალიშვილი.
 ამ სამსულიან ოჯახს აქვს სახლი, ხნავს ოთხდღიურ საბატონო მიწას, იღებს 45 კოდ პურს, ჰყავთ რქოსანი პირუტყვი 4 სული, ხვნა-თესვით იღებს სარჩოს.
 8. ნონია გო(ც)იშვილი, მისი ცოლი, მასთან ერთ ოჯახში მისი ძმა დავითი, მათ ჰყავთ ორი და, დედა.
 ეს ექვსსულიანი ოჯახი ცხოვრობს სხვის სახლში, ჰყავთ რქოსანი პირუტყვი 5 სული, წვრილმანებით ვაჭრობით იღებს საკმარის წლიურ შემოსავალს.
 თავად ევგენი აბაშიძის ყოფილი გლეხი, რომელიც ახლა ეკუთვნის მის ცოლს, სალომეს.
 9. ბერი სამხარაძე, მისი ცოლი, ვაჟი პეტრე, ქალიშვილი, მასთან ერთ ოჯახში მისი ძმა გაბრიელი, მისი ცოლი, ქალიშვილი, ვაჟი - ნინია.
 ამ რვასულიან ოჯახს აქვს სახლი, ხნავს 5დღიურ საბატონო მიწას, იღებს 40 კოდ პურს, ჰყავთ რქოსანი პირუტყვი 4 სული, 2 სკა ფუტკარი. ხვნა-თესვითა და სხვა სამუშაოებიდან იღებს სარჩოს.
 თავად ევგენი აბაშიძის ყოფილი გლეხი, რომელიც ახლა ეკუთვნის მის ცოლს, რომელიც ახლა ეკუთვნის ქვემოთაღწერილ აბაშიძეებს
 თავად ივანე აბაშიძის გლეხი
 10. გლახა ღონლაძე, მისი ცოლი, დედა.
 ამ სამსულიან ოჯახს აქვს სახლი, ექვსდღიური ქაღალდით მიცემული საბატონო მიწა, იღებს 40 კოდ პურს, ჰყავთ რქოსანი პირუტყვი 4 სული. ხვნა - თესვით იღებს სარჩოს.
 თავად ლევან აბაშიძის გლეხი
 1. სიმონ ტაგანაშვილი, მისი ცოლი, ვაჟი სოსია, მასთან ერთ ოჯახში მისი ვაჟი გიორგი, მას ჰყავს ცოლი, ზიძაშვილი დავითი, მისი ცოლი, ვაჟი გრიგოლი.
 ამ რვასულიან ოჯახს აქვს სახლი, ექვსდღიური საბატონო მიწა, იღებს 40კოდ პურს, ვენახი ნახევარდღიური სახნავი, საიდანაც იღებს 6 კოკა ღვინოს, რქოსანი პირუტყვი 5 სული, ხვნა-თესვითა და სხვა სამუშაოებით იღებს სარჩოს.
 ქვემოთ ჩამოთვლილი გლეხები წინა აღწერით ეკუთვნოდნენ თავად ევგენი აბაშიძეს, ახლა აცხადებენ, რომ არიან არაგვის საერისთაოს, ანაწურის ღვთისმშობლის ეკლესიის გლეხები.
 1. მანველა ბაღდინაშვილი, მისი ცოლი, ვაჟი ნინია, მასთან ერთ ოჯახში მისი ძმა , გრიგოლი. ამ ოთხსულიანი ოჯახის ყველა წევრი სომეხი ეროვნებისაა. აქვს სახლი, ნახევარდღიური სახნავი ნასყიდი საბაღე ადგილი, რქოსანი პირუტყვი 5 სული, ფლობს ფეიქრის ხელობას, რომლისგანაც და ხვნათესვით იღებს სარჩოს.
 2.. პეტრე ბაღდინაშვილი, მისი ცოლი და ქალიშვილი, მასთან ერთ ოჯახში მისი ძმა ფარსადანი, მათი დედა. ამ ხუთსულიანი ოჯახის ყველა წევრი სომეხური ეროვნებისაა, აქვთ სახლი, ჰყავთ ერთი ცხენი, სახვადასხვა ხელობით ირჩენენ თავს.
 ივანე დავითის ძე აბაშიძის გლეხი
 1. აზნაური გაბრიელ სავანელოვი, მისი ზიძაშვილი პაატა, მისი დედა. სავანელოვის შესახებ მითითებულია, რომ ძირითადად არის ბატონთან და რომ ბატონისაგან აქვს სარჩო.
 სავანელოს გლეხი
 2. გოგია მარგველაშვილი, მასთან ერთ ოჯახში მისი ძმა გაბრიელი. ამ ორსულიან ოჯახს აქვს სახლი, ჰყავს რქოსანი პირუტყვი სამი სული, ხნავს სხვის სამდღიურ მიწას, იღებს 25 კოდ პურს, ხვნა-თესვით იღებს სარჩოს.
 ამ ორი ოჯახის გასწვრივ დედანში ფანქრით გაკეთებულია მინაწერი - ტუზური.
 თავად ტარიელ ჩხეიძის გლეხები, რომლებიც ახლა ეკუთვნის მის ცოლს ქ-ნ ელენე ჩხეიძეს.
 1. გოგია წვერიანაშვილი, მისი ცოლი, ვაჟები : სოსია და მათე, ძმისშვილები: სიმონი, გაბრიელი, პეტრე და შიო, მათ ჰყავთ დედა და და, სიმონს ჰყავს ცოლი, ვაჟი ტეტია, 2 ქალიშვილი, გაბრიელს ჰყავს ცოლი, ვაჟი შიო. ამ 15სულიან ოჯახს აქვს სახლი, ნასყიდი ხუთდღიური მიწა, ამას ზევით ხნავს სხვის ხუთდღიურს, იღებს 60 კოდ პურს, ნახევარდღიური სახნავი ვენახი, იღებენ 5კოკა ღვინოს, რქოსანი პირუტყვი 12 სული, 1 ცხენი, ხვნა-თესვით აქვთ კარგი წლიური შემოსავალი.
 2.გოგია დალაქიშვილი, მისი ცოლი, ვაჟები: თვდორე, გაბრიელი და თევდორე(ასეა დედანში-დ.ხ.)
 ამ ხუთსულიან ოჯახს აქვს სახლი, ოჯახის უფროსი დალაქია, ამ ხელობიდან აქვს წლიური სარჩო.
 თავად ქაიხოსრო ხიდირბეგოვის გლეხები, რომლებიც ახლა ეკუთვნის მის ვაჟს, გიორგი ხიდირბეგოვს.
 1. ნინია თოფჩიაშვილი, მისი ცოლი, ძმისშვილები: შალვა და გიორგი.
 ამ ოთხსულიან ოჯახს აქვს სახლი, ოთხდღიური საბატონო მიწა, იღებს 20 კოდ პურს, რქოსანი პირუტყვი 2 სული, ხვნა-თესვით იღებს სარჩოს.
 2. გიორგი და შალვა მაცხოვრებლები. გიორგი ბატონის მოჯამაგირეა.
 3. მამუკა ბასტიაშვილი მოჯამაგირეა.
 თავად ივანე ხიდირბეგოვის გლეხი
 4. დანიელ მანაშერაშვილი. აქვს სახლი, ნახევარი დღის სახნავი ვენახი, რომელიც მოსავალს არ იძლევა, 1 ფარდელი, მუშაობს დღიურად.
 დანიელ მანაშერაშვილი გასამართლებულია გორის სამაზრო სასამართლოს მიერ. საქმე აღებულია აპელაციაზე.(შენიშვნის სახით)
 თავად დავით ხიდირბეგოვის გლეხები-
 1.მანაშერ მანაშერაშვილი, მისი ცოლი, მასთან ერთ ოჯახში მისი ძმა სამუელი, ძმისშვილები-3 ქალიშვილი, მათი დედა.
 შენიშვნა- მანაშერი გასამართლებულია გორის სამაზრო სასამართლოს

მიერ. საქმე მიღებულია სააპელაციოდ.
 ამ შვიდსულიან ოჯახს აქვს სახლი, ნახევარდღიური სახნავი ვენახი, რომელიც შემოსავალს არ იძლევა, რქოსანი პირუტყვი 4 სული, ერთი ფარდელი, ტილოს, ქაღალდის, სურსათის გაყიდვით იღებს წლიურ სარჩოს.
 5. ბინია მანაშერაშვილი, მასთან ერთ ოჯახში მისი ძმა მანუახი.(აქაც მინაწერია, რომ გასამართლებულია გორის სამაზრო სასამართლოს მიერ. ეტყობა ერთ საქმეზე.)
 ცხოვრობს სხვის სახლში, დღიური სამუშაოების ქირით აქვს სარჩო.
 განაცხადა რომ არის თავად ბააკა მურვანოვის გლეხი.
 1.გიორგი ბარბაქაძე- ეს ერთსულიანი ოჯახი ცხოვრობს სხვის სახლში. აქვს 13დღიური საბატონო მიწა, ხნავს ოთხდღიურს, იღებს 40 კოდ პურს, სავენახე ადგილიდან შემოსავალს ვერ ღებულობს. ჰყავს რქოსანი პირუტყვი 4 სული, ხვნა-თესვისა და სხვა სამუშაოებისაგან იღებს სარჩოს.
 ამას მოსდევს მინაწერი აღწერის კომისიის ერთი წევრის ხელით:
 თავად ევგენი ხიდირბეგოვის 1.მამუკა ბასტიაშვილი, მოჯამაგირეობს ბატონთან, 1 სული, გარდაიცვალა.(დ.ხ.)
 1. ამ სოფელში მიწები საერთოდ ნაჩვენებია სახაზინო გლეხებზე, არის 4 ვენახი.
 2. წინა აღწერით, ამ სოფელში და გვერდისუბანში, აღნიშნული იყო საბატონე გლეხები 63 კომლი. ზოგიერთი მათგანი გამოსაღებს იხდიდა თავისი ბატონის გლეხებს შორის, ზოგიერთი კი საერთოდ დაბეგრული არ იყო. ახლა კი გარდა ქირისაგან გარდაცვლილების და სხვაგან გადასახლებულებისა, აზნაურების გარდა არის 24 საბატონე გლეხი, რომელთაგან გადასახადის გადახდა შეუძლით აზნაურ ბააკა მურვანოვის 4 კომლი: 12კომლი ხორბალი, 8 კომლი, ქერი, თავად ზაქარია თარხანოვის 1 კომლს-ხორბალი 3 კომლი, ქერი 2 კომლი, აზნაურ ბეჟან აბაზაძის 1კომლს ასევე, თავად როსტომ ბეგთაბეგოვის 1 კომლს ამდენივე, თავად ევსტათი აბაშიძის 2 კომლს- 6 კომლი ხორბალი, 4 კომლი ქერი, ქ-ნ სალომე აბაშიძის 1კომლს 3კომლი ხორბალი,2 კომლი ქერი, თავად ივანე აბაშიძის 1 კომლს ასევე, თავად ევგენი აბაშიძის 2 კომლს 6 კომლი ხორბალი, ქერი 4 კომლი, აზნაურ დავით სავანელოვის 1 კომლს ხორბალი 3 კომლი, ქერი 2კომლი, ქ-ნ ელენე ჩხეიძის 1 უსახსროს გარდა - 1 კომლს ხორბალი 3 კომლი, ქერი 2 კომლი, თავად გიორგი ხიდირბეგოვის 2 მოჯამაგირედ მყოფების გარდა, 1 კომლს 3 კომლი ხორბალი, 2 კომლი ქერი, ივანე ხიდირბეგოვის 1 კომლს უსახსრობის გამო გამოსაღების გადახდა არ შეუძლია, დავით ხიდირბეგოვის ერთი უსახსროს გარდა, 1 კომლს 3 კომლი ხორბალი, 2 კომლი ქერი, თავად ივანე ციციანოვის 1 კომლს ამდენივე, ივანე აბაშიძის 1 კომლს 3 კომლი ხორბალი, ქერი 2 კომლი. ქაღალდით ელენე ჩხეიძის 1 უსახსრო კომლის გარდა, 1კომლს - ხორბალი 3 კომლი, ქერი 2 კომლი, თავად გიორგი ხიდირბეგოვის მოჯამაგირედ მყოფი 2 კომლის გარდა, 1 კომლს-ხორბალი 3 კომლი, ქერი 2 კომლი, თავად ივანე ხიდირბეგოვის 1 კომლს უსახსრობის გამო გამოსაღების გადახდა არ შეუძლია, თავად დავით ხიდირბეგოვის ერთი უსახსრო კომლის გარდა, ერთ კომლს 3 კომლი ხორბალი, 2 კომლი ქერი, თავად ნიკოლოზ ციციანოვის ერთ კომლს ამდენივე, ევსტათი აბაშიძის ერთ კომლს ხორბალი 3 კომლი, ქერი 2 კომლი.
სოფელ ზინდისში
 აზნაურ ავთანდილ აბაზაძის გლეხები
 1. იოსებ კიკნაძე, მისი ცოლი და ქალიშვილი, ვაჟი ადამი, ზიძაშვილი გიორგი, მისი ცოლი და ქალიშვილი, დედა.
 ამ რვასულიან ოჯახს აქვს სახლი, ხნავს ორდღიურ საბატონო მიწას, იღებს 20 კოდ პურს, ჰყავს რქოსანი პირუტყვი 4 სული, ხვნა-თესვითა და სხვა სამუშაოებით იღებენ სარჩოს.
 2. თევდორე კიკნაძე, მისი ცოლი და ქალიშვილი, მასთან ერთ ოჯახში მისი ძმა სოსია, მათ ჰყავთ დედა, ზიძაშვილი თევდორე, მისი ცოლი, ძმისშვილები - პეტრე და ქიტესა, მათ ჰყავთ დედა.
 ამ ათსულიან ოჯახს აქვს სახლი, ხნავს ორდღიურ საბატონო მიწას, იღებს 30 კოდ პურს, ჰყავს რქოსანი პირუტყვი 7 სული, ხვნა_თესვითა და სხვა სამუშაოებით იღებს სარჩოს.
 3. მამუკა ლომიძე, მისი ცოლი, ვაჟი ნინია, ქალიშვილი, მასთან ერთ ოჯახში მისი ძმები: ფარსადანი და სიმონი, მათი ცოლები, ფარსადანის ვაჟები: რევაზი და გაბრიელი, რევაზის ცოლი, სიმონის ვაჟები: რამაზი, პაატა და ბერო. ძმებს ჰყავთ დედა.
 ამ 15 სულიან ოჯახს აქვს სახლი, ოთხდღიური ნასყიდი მიწა, ხნავს ცხრადღიურს, იღებს 100 კოდ პურს, რქოსანი პირუტყვი 13 სული, ხვნა-თესვით იღებს სარჩოს.
 4. შიო დევაძე-(ეს გლეხი სახაზინო ექსპედიციის განჩინებით მსჯავრდებულია (მინაწერი - დ.ხ.), მისი ცოლი, ვაჟი გიორგი, ქალიშვილი.
 ამ ოთხსულიან ოჯახს აქვს სახლი, რქოსანი პირუტყვი 4 სული, სხვადასხვა ხელობით აქვს შემოსავალი.
 5.გიორგი ცუციროძე, მასთან ერთ ოჯახში მისი ძმა პეტრე, მისი ცოლი, ძმისშვილი ქიტესა.
 ამ ოთხსულიან ოჯახს აქვს სახლი, ხნავს სამდღიურ საბატონო მიწას, იღებს 40 კოდ პურს, ნყავს რქოსანი პირუტყვი 3 სული. ხვნა-თესვითა და სხვა სამუშაოებიდან იღებს სარჩოს.
 6. გაბრიელ ლომიძე -(ცნობები არ არის).
 შენიშვნა1. ეს სოფელი გაშენებულია მდინარე სურამულაზე. ვარგისია 40დღიური მიწა, მწირი 50დღიური, ტყე-40დღიური. ყველა ეს აგარაკი ეკუთვნით აზნაურ აბაზაძეებს, გარდა ამისა სარგებლობენ მეზობელი აგარაკებიდან ყველანაირი სარგებლით, არის ერთი წისქვილი, მცხოვრებთა ძირითადი საქმიანობაა ხვნა-თესვა და სხვა სამუშაოები.
 2. წინა აღწერით ამ სოფელში ნაჩვენები იყო 12 კომლი საბატონო გლეხი.
 ზოგიერთი მათგანი იხდიდა სურსათს აზნაურ აბაზაძეების გლეხების რიცხვში, ზოგიერთები დაბეგრულები საერთოდ არ ყოფილან, ახლა კი, ქირისაგან გარდაცვლილების გარდა, ნაჩვენებია აზნაურ ავთანდილ აბაზაძის 6 კომლი, რომელთაგან, გარდა ერთი მოჯამაგირედ მყოფისა, გამოსაღების გადახდა შეუძლია- 5კომლს-ხორბალი 15 კომლი, ქერი 10 კომლი.
 დალი ხაჩიძე

(გაგრძელება იქნება)




ჭერათხეულას ულამაზესი ხეობა წლის ნებისმიერ დროს მშვენიერია.
ბ. წიქრიძის ფოტო.



ქვიშხეთში, მჭედლიშვილების უბანში, გზის დამცავი ნაპირსამაგრი კედლის მშენებლობის და მისასვლელი გზის კეთილმოწყობის სამუშაოები მიმდინარეობს სამუშაოების მიმდინარეობა ხაშურის მუნიციპალიტეტის მერის მოვალეობის შემსრულებელმა სვიად ქურდაძემ დაათვალიერა. პროექტი, რომლის ღირებულებაც 148445 ლარია, ადგილობრივი ბიუჯეტიდან ფინანსდება. სამუშაოებს ტენდერში გამარჯვებული კომპანია „გამა+“ ასრულებს.

მდინარე სურამულას მონაკვეთზე ნაპირსამაგრი სამუშაოები დაიწყო

დაბა სურამში, მდინარე სურამულაზე, აღმაშენებლის ქუჩის 8 და წმინდა მარიამის ქუჩის 13-ის მიმდებარედ, ნაპირსამაგრი კედლების მოწყობის სამუშაოები მიმდინარეობს. ამ ეტაპზე მიმდინარეობს კედლის ფუნდამენტის მოწყობა. პროექტი, რომელიც მონოლითური რკინა-ბეტონის კედლის მოწყობას ითვალისწინებს, მნიშვნელოვანია შესაძლო სტიქიის პრევენციისთვის. ნაპირსამაგრი სამუშაოებისთვის ადგილობრივი ბიუჯეტიდან 209 996 ლარია გამოყოფილი. სამუშაოებს ტენდერში გამარჯვებული კომპანია შპს „პირამიდა - ფ.რ.-ს ფილიალი ასრულებს.



ამირან ბარბაქაძის გახსენება

ჩემო ძვირფასო, რამდენი წელიც არ უნდა გავიდეს შენ ჩემთვის უკვდავი ხარ. თურმე რა ძნელი ყოფილა დედამისის შვილების გარეშე ცხოვრება. სანამ მე დავდივარ ამ ქვეყანაზე, დაუვიწყარი იქნები, ერთად ხართ დედა და ჩვენი დაჩაგრული და. მაკლია თქვენი იმედი და გვერდში დგომა, თქვენს სურათებს ვკოცნი და ვეფერები, დაუვიწყარი ხარ სუფრაზე და ჩვენს საახლობლოში, შენს დანატოვარს სათუთად ვინახავ, ჩემო აღმზრდელო და დამრიგებელო. ვლოცულობ თქვენთვის და მეოხად ვუდგები უფალს, რომ თქვენ ულამაზეს სულებს სანთელ-ნათელი არ მოაკლდეს. ომარი, შენი საყვარელი ძმა

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე. მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში.